

葉似卷柏山人取浸酒除風破血主溪毒養食之本經從蟲部出復有蟲石蠶已出拾遺漆姑草杉木注陶云葉細細多生石間按漆姑草如鼠跡天生堦墀間陰處氣辛烈主漆瘡按碎傳之熱更易亦主溪毒瘡蘇云此蜀

羊泉羊泉是大草非細者乃同名耳

麋目草寇注陶云麋目小冷按鹿目云出嶺南如麋目食之發冷痰餘別無功

梨豆蚌蛇注陶云蛇膽如梨豆生江南蔓如葛子如皂莢子作狸首文故名梨豆爾雅云

慮涉子人炒食之一名虎涉別無功諸草有

毒瓜兩帶兩身害人瓜瓠正苦有毒層溜滴著菜有毒黃花害人芹赤葉害人菰首蜜

食下痢生葱不得雜白犬肉食之令人九竅流血食戎葵并烏肉令人面無顏色食葵發

狂犬咬食葫蔥青魚令人腹生蟲蓮不得和牛肉食成癢痲痲疾婦人妊娠食乾薑令胎

肉消生葱和雞子食變嗽麥蘘食生食令氣奪之令陰癢九月食霜下瓜血必發三月

不得食陳菹夏熱病發惡瘡牛踐苗子即

車六

三

苦

圖經衍義本草卷之十九

正一天師清微弟子 洪百堅 製作  
道教學術資訊網站


圖經衍義本草卷之二十

君一

木部上品

桂

宋通直郎辨驗藥材寇宗奭集  
宋大醫助教辨驗藥材許洪校正



味甘辛大熱有小毒主溫中利肝肺氣心腹寒熱冷疾霍亂轉筋頭痛腰痛出汗止煩止唾欬嗽鼻鼾能隨胎堅骨節通血脉理踈不足宣導百藥無所畏久服神仙不老生桂陽二月八月十月採皮陰乾得人參麥門冬甘草大黃黃芩調中益氣得此胡紫石英乾地黃療吐逆

圖經曰菌桂生交趾山谷桂生南海山谷桂生桂陽舊經載此三種之異性味功用亦別而爾雅但言棖木桂一種郭璞云南人呼桂厚皮者為木桂蘇恭以謂杜桂即木桂及單名桂者是也今嶺表所出則有筒桂肉桂桂心官桂板桂之名而醫家用之罕有分別者

藥性論云桂心右亦名紫桂殺草木毒忌生葱味苦辛無毒主治九種心痛殺三蟲主破血通利月閉治軟脚痺不仁胞衣不下除欬逆結氣擁痺止腹內冷氣痛不可忍主下痢治鼻息肉陶隱居云按本經惟有筒杜二桂而桂用

體大同小異今俗用使有三種以半卷多脂者單名桂入藥最多所用悉與前說相應仙經並有三桂常服食以葱涕合和雲母蒸化為水者正此種爾今廣州者好湖州始興桂陽縣即是小桂亦有而不如廣州者交桂州者形段小多脂肉赤好

陳藏器云菌桂杜桂桂心已上三色並同是一物按桂林桂嶺因桂為名今之所生不離此即從嶺以南際海盡有桂樹惟柳象州最多味既辛烈皮又厚堅大人所採厚者必嫩薄者必老以老薄者為一色以厚嫩者為一色嫩既辛香兼又筒卷老必味淡自然板薄板薄者即杜桂也以老大名馬筒卷者即菌桂也以嫩而易卷

日華子云桂心治一切風氣補五勞七傷通心竅利關節益精明目暖腰膝破痰癖癥瘕消瘀血治風痺骨節攣縮續助骨生肌肉雷公云凡使勿薄者要紫色厚者去上麤皮取心中味辛者使每斤大厚紫桂只取

得五兩取有味厚處生用如未用即用重密熟并紙裏勿令犯風其州土只有桂草無桂心用桂草煮丹陽木皮遂成桂心凡使即單搗用之

聖惠方治風頭痛每欲天陰雨風先發者用桂心一兩為末以酒調如膏傳用頂上并額角○又方治九種心痛妨悶用桂心等分為末以酒一大盞煎至半盞去滓稍熱服立效○又方治寒疝心痛四肢逆冷全不欲食用桂心一兩去皮擣羅為散不計時候熱酒調下一錢七○又方治產後惡血衝心痛氣悶絕用桂心二兩擣羅為散狗膽汁和丸如櫻桃大不計時候熱酒磨下二丸

外臺秘要方療小兒睡中遺尿不自覺桂末雄雞肝等分擣丸如小豆大溫水下日三千金方治中風面目相引偏僻牙拘急舌不可轉桂心以酒煮取汁故布蘸捺病上正即止左喎掄右右喎掄左常用大效

11011A 0231-2

又方治卒中惡心痛桂心八分呶咀以水四升煮取一升分二服

肘後方治心腹俱脹痛短氣欲死或以絕桂二兩切以水一升二合煮取大合去滓頓服○又方治中風四肢逆冷吐清水死

轉啼呼者取二兩呶咀以水三升煮取二升去滓適寒溫盡服

梅師方蜀椒閉口者毒誤食之便氣欲絕或下白沫身體冷急煎桂汁服之多飲冷水一二升忽食飲吐漿煎濃絞汁頓服之

○又方治產後血泄不禁止餘血彌痛兼塊桂心乾姜等分為末空心酒調服方寸匕抱朴子云桂可以合葱涕蒸作水亦可以竹瀝合餌之亦可以龜腦和而服之七年能步行水上長生不死又云趙他子服

桂二十年足下毛生日行五百里力舉千斤

**桂** 味辛溫無毒主上氣欬逆結氣喉痺吐吸心痛脅風脅痛溫筋通脉止煩出汗利關節補中益氣久服通神輕身不老生南海山

谷

**桂** 味辛溫無毒主百病養精神和顏色為諸藥先時通使久服輕身不老面生光華媚好常如童子生交趾桂林山谷巖崖間無骨正圓如竹採秋

圖經曰文具桂條

列仙傳曰范蠡好食桂飲水討藥人世世見之又曰桂父象林人常服桂皮葉以龜腦和服之○韓終采藥詩曰關河之桂實大如栗得而食之後天而老

別說云今文廣商人所販及醫家見用唯陳藏器一說最近然筒厚實氣味重者宜入治藏及下焦藥輕薄者宜入治頭目發散藥故本經以菌桂養精神以牡桂利關節仲景傷寒論發汗用桂枝桂枝者枝條

非身幹也取其輕薄而能發散又一種柳桂乃桂之嫩小枝條也尤宜入上焦藥衍義曰桂大熱素問云辛甘發散為陽故漢張仲景桂枝湯治傷寒表虛皆須此藥是專用辛甘之意也本草第一又云療寒

以熱藥故知三種之桂不取菌桂牡桂者

蓋此二種性止溫而已不可以治風寒之病獨有一字桂本經言甘辛大熱此正合素問辛甘發散為陽之說尤知菌牡二桂不及也然本經止言桂仲景又言桂枝者

蓋亦取其枝上皮其本身麤厚處亦不中用今又謂之官桂不知緣何而立名慮後世為別物故書之又有桂心此則諸桂之心不若一字桂也

松脂



**松** 味苦甘溫無毒主疽惡瘡頭瘍白禿疥癩風氣安五藏除熱胃中伏熱咽乾消渴及風痺死肌鍊之令白其赤者主惡痺久服輕身不老延年一名松膏一名松肪生太山山谷六月採

**松葉** 味苦溫無毒主風痺寒氣虛羸少氣補不足九月採陰乾

**松節** 味苦溫主風濕瘡生毛髮安五藏守中不飢延年為鈔按日華子松葉無毒

**松節** 溫主百節久風風虛脚痺疼痛

**松根** 白皮主辟穀不飢

圖經曰松脂生太山山谷今處處有之其

用以通明如薰陸香艱者為勝道人服餌或合茯苓松柏實菊花作丸皆先鍊治其

法用大釜加水置甑用白茅藉甑底又加

黃砂於茅上厚寸許可矣然後布松脂於

上炊以桑薪湯若減即添熱水常令滿候

松脂盡入釜中乃出之投於冷水既凝又

蒸如此三過其白如玉然後入藥亦可單

服其實及根白皮古亦有服食法但今松

實多作果品餘不聞堪入藥其花上黃粉

名松黃山人及時拂取作湯點之甚佳但

不堪停久

陶隱居云採鍊松脂法並在服食方中以桑灰汁或酒煮軟按內寒水中數十過白

滑則可用其有自流出者乃勝於鑿樹及煮用膏也其實不可多得推葉止是斷穀

所宜細切如粟以水及麩飲服之亦有陰乾搗為屑丸服者人患惡病服此無不瘥

比來若脚弱人曬松節酒亦皆愈松柏皆

有脂潤又凌冬不凋理為佳物但人多輕

忽近易之爾

禹錫云按藥性論松脂使味甘平殺蟲用之主耳聾牙有蚰孔少許艾之不落蟲自

死能貼諸瘡膿血煎膏生肌止痛搗風蕭

炳云又有五葉者一叢五葉如欵名五粒

松道家服食絕粒如巴豆新羅往往進

之

日華子云松脂潤心肺下氣除邪煎膏治

癢爛排膿○又云松葉暖無毒及嘗凍瘡

風濕瘡佳○又云松節無毒治脚軟骨節

風○又云松根白皮味苦溫無毒補五勞

益氣

聖惠方絕穀昇仙不食法取松實搗為膏酒調下三錢日三則不飢渴飲水勿食他

物百日身輕日行五百里○又方服松葉令人不老身生綠毛輕身益氣久服不已

絕穀不飢渴松葉不以多少細切更研每日食前以酒調下二錢亦可粥汁服之初

服稍難久自便矣

外臺秘要方集驗療鶴齒取松脂如錐注

齶孔內須更齶蟲綠松脂出梅師方同○

又方治惡風疾松脂鍊投冷水中二十遍

蜜丸服三兩即服之日三鼻住斷離者

二百日瘥斷益及房室○又方療歷節諸

風百節酸痛不可忍松脂三十斤鍊五十

徧不能五十徧亦可二十徧用以鍊酥三

升溫松脂三升熟攪令極稠且空腹以

酒服方寸匕日三數食麩粥為佳慎血腥

生冷酢物果子百瘥○又方松節酒主歷

節風四肢疼痛松脂二十斤酒五斗漬三

七日服一合日五六服

千金方治脚氣十二風痺不能行服更生散數劑及衆瘥不得力服此一劑便能行遠不過兩劑松葉酒松葉六十斤細剉咬



咀以水四石煮取四斗九升以釀五斗米如常法別煮松葉汁以漬米并饋飯泥釀封頭七日發澄飲之取醉得此酒力者甚衆

梅師方治耳久聾松脂三兩鍊巴豆一兩和熟搗可丸通過以薄綿裹內耳孔中日一度易

孫尚藥方治脚轉筋疼痛學急松節二兩細剉如米粒乳香一錢右件藥用銀石器內慢火炒令焦只留一分性出火毒研細每服一錢至二錢熱木瓜酒調下應是筋病皆治之

鬼遺方治疥癬松膠香研細入少輕粉凡疥癬上先用油塗了錯末一日便乾頑者三兩度

傷寒要類方治天行病辟瘟方切松葉如末酒服方寸匕三辟五年瘟

抱朴子云趙聖病癩歷年醫不瘥家乃齋糧弃送於山穴經月有仙人經穴見之取囊中藥賜之教其服百餘日瘡愈顏色悅

肌膚潤仙人再過視之瞿乞其方仙人曰

此是松脂汝可鍊服之長服身轉輕力百倍登危涉險終日不困年百歲齒不墮髮不白夜卧常見有光大如鏡

野人閑話云伏虎尊師篇鍊松脂法十斤松脂五度以水煮度令若味盡取得後每一斤鍊了松脂入四兩茯苓末每晨水下刀圭即終年不食而復延齡身輕清爽

槐實



味苦酸鹹寒無毒主五內邪氣熱止涎

唾補五傷五痔火瘡婦人乳痕子藏急痛以七月七日取之搗取汁銅器盛之日煎令可作丸大如鼠屎內竅中三易乃愈又墮胎久服明日益氣頭不白延年○枝主洗瘡及陰囊下濕痒○皮主爛瘡○根主喉痺寒熱生

河南平澤可作神燭景天為使

圖經曰槐實生河南平澤今處處有之其木有極高大者謹按爾雅槐有數種葉大而黑者名檉槐晝合夜開者名守官槐葉細而青綠者但謂之槐其功用不言有別

四月五月開花六月七月結實七月七日採嫩實搗取汁作煎十月採老實入藥皮根採無時今醫家用槐者最多春採嫩枝煨為黑灰以揩齒去虫燒青枝取瀝以塗癬取花之陳久者從容飲服以治下血折取嫩房角作湯以當茗主頭風明目補腦煮白皮汁以治口齒及下血水令黑子以變白髮木上耳取末服方寸匕治大便秘及五痔脫肛等皆常用有以效者

藥性論云槐子目主治之熱難產皮煮汁淋陰囊墜腫氣痛又云槐白皮味苦無毒能主治口齒風熱膿血以煎漿水煮合之煎沐浴男子陰疝卵腫陶隱居云槐子以相連多者為好十月前採之新益盛合泥百日反爛為冰核如大

豆服之令腦滿髮不白而長生今處處有之云七月取其子未堅固擣絞取汁

日華子云槐子治丈夫婦人陰瘡濕痒催生吞七枚○又云槐皮平治中風皮膚不

仁喉痺浸洗五痔并一切惡瘡婦人產門

痒痛及湯火瘡煎膏止痛長肉消癰腫

雷公云凡採得後去單子并五子者只取

二子三子以用銅搥搥破烏牛乳浸一宿蒸過用

千金方療胎赤眼取槐木枝如馬鞭大長

二尺作二段齋頭麻油一起置銅鉢中且使童子一人以其木研之全膜上令仰卧

以塗向眼皆日三度瘥

千金翼方療腸痔每大便常下血槐樹上

木耳取末飲服方寸匕日三服

百一方治中風身直不得屈伸反覆者取

槐皮黃白者切之以酒或水六升煮取二

升去滓

經驗方治下血槐花荆芥穗等分為末酒

調下一錢匕

梅師方治痔有蟲咬殺道痒或下膿血多

取槐白皮濃煮汁安盆坐湯之虛其殺道

冷更煖良久欲大便當蟲出不過三度即

愈如用末綿裹內下部

食醫心鏡方治野雞痔下血腸風明目方

嫩槐葉一斤蒸如造炙法取葉碾作末如

茶法煎呷之

廣利方治妊娠難產令易方水吞槐子七

枚即出

廣濟方療牙齒疼痛取槐樹白皮一握切

以酢一升煮去滓者監少許適寒温合之

日三易

子母祕錄日月未足而欲產者槐木東枝

令孕婦手把即易產

產寶方療崩中不止不問年月遠近方槐

耳燒作灰為末以酒服方寸匕

太清草木方槐者虛星之精以十月上巳

日採子服之去百病長生通神

衍義曰槐實止言實今當分為二實本出

夾中若擣夾作煎者當言夾也夾中子大

如豆堅而紫色者實也今本條不折出來

與夾中子義其用各別皆疎導風熱

與槐實平無毒治五痔心痛眼赤殺腹藏

蟲及熱治皮膚風并腸風瀉血赤白痢並炒

服○葉平無毒煎湯治小兒驚癇壯熱疥癬

及丁腫皮莖同用

圖經曰見槐實條下

簡要濟眾治婦人漏下血不絕槐花鴛不

以多少燒作灰細研食前温酒服二錢匕

枸杞



味苦寒根大寒子微寒無毒主五內邪

氣熱中消渴周痺風濕下骨骨氣寒熱頭痛

補內傷大勞虛吸堅筋骨強陰利大小腸久

服堅筋骨輕身不老耐寒暑一名杞根一名

地骨一名枸杞一名地輔一名羊乳一名却

暑一名仙人杖一名西王母杖生常山平澤

及諸丘陵阪岸冬採根春夏採葉秋採莖實陰乾

圖經曰枸杞生常山平澤及丘陵阪岸今處處有之春生苗葉如石榴葉而軟薄堪食俗呼為甜菜其莖聳高三五尺作叢六月七月生小紅紫花隨便結紅實形微長如棗核其根名地骨春夏採葉秋採莖實冬採根謹按爾雅云枸杞樞郭璞云今枸杞也詩小雅四牡云集于苞杞陸機疏云一名若杞一名地骨春生作莖如微若其莖似莓子秋熟正赤莖葉及子服之輕身益氣藥性論云枸杞子葉同說味甘平能補益精血不足易顏色變白明目安神令人長壽葉和羊肉作羹益人甚除風明目若渴可煮作飲代茶飲之白色無刺者良陶隱居云今出堂邑而石頭烽火樓下最多其葉可作羹味小苦俗諺云去家千里勿食蘿摩枸杞此言其補益精氣強盛陰道也蘿摩一名苦丸葉厚大作藤生摘亦

有白乳汁人家多種之可生散亦蒸食也枸杞根實為服食家用其說甚美仙人之杖速有旨乎

禹錫云按爾雅疏云杞一名杞樞郭璞云今枸杞也詩四牡云集于苞杞陸機云一名苦杞一名地骨春生作莖如微苦其莖似莓子秋熟正赤莖葉及子服之輕身益氣爾抱朴子云家柴一名托盧或名天精或名却老又名地骨日華子云一名地仙苗除煩益志補五勞七傷壯心氣去皮膚骨節間風消熱毒散瘡腫雷公云凡使根掘得後使東流水浸以物刷上土了然後待乾破去心用熟甘草湯浸一宿然後焙乾用其根若似物命形狀者上春食葉夏食子秋冬食根并子也食療云寒無毒葉及子並堅筋能老除風補益筋骨能益人去虛勞根主去骨熱消渴葉和羊肉作羹尤善益人代茶法煮汁

飲之益陽事能去眼中風痺赤膜痔葉汁點之良

千金方治肝虛或當風眼淚等新病方枸杞子最肥者二升擣破內絹袋置罐中以酒一斗浸訖家封勿泄氣三七日每旦開服任性勿藥經驗方金髓煎枸杞子不計多少逐日旋採摘紅熟者去嫩蒂子揀令潔淨便以無灰酒於淨器浸之須是寬用酒浸以兩月為限用蠟紙封閉緊家無令透氣候日數足漉出於新竹器內盛貯旋於沙盆中研令爛細然後以細布濾過候研濾皆畢去滓不用即并前漬藥酒及濾過藥汁攪勻量銀鍋內多少升斗作番次慢火熬成膏切須不住手用物攪恐粘底不勻候稀稠得所然後用淨瓶器盛之勿令泄氣每早晚溫酒下二大匙頭夜卧服之百日中身輕氣壯積年不廢可以羽化經驗復方治五勞七傷庶事衰弱枸杞葉半斤切稷米二合以石器中相和煮作粥

以五味末葱白等調和食之

孫真人備急方治滿口齒有血枸杞根為末煎湯嗽後喫又治上膈吐血妙

沈存中方陝西枸杞長一二丈其圍數寸無刺根皮如厚朴甘美異於諸處生子如櫻桃全少核暴乾如餅極爛有味

外臺秘要方療眼暴天行腫痒痛地骨皮三斤水三斗煮取三升絞去滓更內鹽二兩煎取二升傳目或加乾薑二兩

治疽方凡患癰疽惡瘡出血不止者取地骨皮不拘多少淨洗先刮上面麤皮留之再刮取細白穰取麤皮同地骨一處煎湯淋瘡上令膿血盡以細穰貼之有效

衍義曰枸杞當用梗皮地骨當用根皮枸杞子當用其紅實是一物有三用其皮寒

根大寒子微寒亦三等此正是孟子所謂性由杞柳之杞後人徒勞分別又為之拘

棘茲強生名耳凡杞末有無棘者雖大至有成架然亦有棘但此物小則多刺大則少刺還如酸棗及棘其實皆一也今人多

用其子直為補腎藥是曾未考究經意當更量其虛實冷熱用之

乾州柏實



**柏實**味甘平無毒主驚悸安五藏益氣除風

濕痺瘵恍惚虛損吸吸歷節腰中重痛益血止汗久服令人潤澤美色耳目聰明不飢不

老輕身延年生太山山谷柏葉尤良○柏葉味苦微溫無毒主吐血衄血崩血崩中赤白

輕身益氣令人耐寒暑去濕痺止飢四時各

依方面採陰乾○柏白皮主火灼爛瘡長毛髮牡蠣及桂瓜子為之使畏菊花羊蹄諸石及麩麩

圖經曰柏實生太山山谷今處處有之而乾州者最佳三月開花九月結子候成熟

收採蒸暴乾春礪取熟人子用其葉名側柏密州出者尤佳雖與他柏相類而其葉

皆側向而生功效殊別採無時張仲景方療吐血不止者柏葉湯主之青柏葉一把

乾薑三片阿膠二挺炙三味以水二升煮一升去滓別絞馬通汁一升相和合煎取

一升綿濾一服盡之藥性論云柏子仁君惡菊花長羊蹄草味甘辛能治腰腎中冷膀胱冷濃宿水與陽

道益壽去頭風治百邪鬼魅小兒驚癇又云側柏葉君與酒相宜止尿血味苦辛性

行治冷風歷節疼痛唐本註云柏枝節煮釀酒主風痺歷節風

燒取末瘡癩疥及癩瘡良今出陝州宜州為勝

011 4 243-0



日華子云柏子仁治風潤皮膚此是側柏子入藥微炒用

雷公云凡使先以酒浸一宿至明漉出曬乾却用黃精自然汁於日中煎手不住攪若天久陰即於鑄中著水用瓶器盛柏子

仁著火緩緩煮成煎為度每煎三兩柏子仁用酒五兩浸乾為度

聖惠方治時氣瘴疫用社中西南柏樹東南枝取曝乾搗羅為末以水調下一錢七日三四服肘後方同○又方治大風疾令

眉耳再生用側柏葉九蒸九暴搗羅為末鍊蜜和丸如梧桐子大日三服夜一服熟水下五九十五百日即生

經驗後方治霍亂轉筋先以裹脚然後以柏樹木細剉煮湯淋之

孫真人枕中記云採松柏法嘗以三月四月採新生松葉可長三四寸許并花葉取陰乾細搗為末其柏葉取深山岩谷中採當年新生可長三二寸者陰乾細搗為末用白蜜為丸如小豆大常以月一十五日

日未出時燒香東向手持藥八十一丸以酒下服一年延十年命服二年延二十年命欲得長肌肉加大麻巨勝欲心力壯健者加茯苓人參此藥除百病益元氣添五臟六腑清明耳目強壯不衰老延年益壽

神驗用七月七日露水丸之更佳服時乃呪曰神仙真藥體合自然服藥入腹天地齊年呪訖服藥斷諸雜肉五辛最切忌慎之

姚氏方治鼠瘻腫核痛未成服以柏葉傳

著腫上熬鹽著腫上熨令熟氣下即消抱朴子云漢武帝時獵者於終南山見一人無衣服身皆生黑毛跳坑越澗如飛乃密伺其所在合圍取得乃是一婦人問之言我是秦之宮人關東賊至秦王出降驚走入山飢無所食泊欲飢死有一者公教

我喫松柏葉實初時苦澀後稍便與遂不復飢冬不寒夏不熱此女是秦人至成帝時三百餘載也○列仙傳曰赤松子好食柏實齒落更生

別說云謹按隱居說柏忌取塚墓上者今云出乾州者最佳則乾州柏茂大者皆是乾陵所出他處皆無大者但敢其州上所宜子實氣味豐美可也乾陵之柏異於他處其本未有無文理者而其文多為菩薩

雲氣人物鳥獸狀極分明可觀有盜得一株徑尺者可直萬錢關右人家都以為貴宜其子實最佳又以枝節燒油膏傳惡瘡久不瘥有蟲者牛馬畜產有瘡疥名為重病以傳之

衍義曰柏取儲以療馬病今未見用松儲老人盧松柏子仁大麻子仁松子仁等分同研溶白臘丸桐子大以少黃丹湯服二三十丸食前嘗官陝西每登高望之雖千萬株皆一一西指蓋此木至堅之木不畏霜雪得木之正氣他木不速也所以受全之正氣所制故一一白之

西京茯苓





**茯苓**味甘平無毒主骨節逆氣憂志驚邪恐悸心下結痛寒熱煩懣逆口焦舌乾利小便止消渴好睡大腹淋瀝膈中痰水水腫淋結開胃調藏氣伐腎邪長陰益氣力保神守中久服安魂養神不飢延年一名茯苓其有抱根者名茯神

**茯苓**平主辟不祥療風眩風虛五勞口乾止驚悸多悲怒善忘開心益智安魂魄養精神生太山山谷大松下二月八月採陰乾馬間為之使得甘草防風芍藥紫石英麥門冬共療五藏惡白飲畏牡蒙地榆雄黃秦九龜甲

圖經曰茯苓生太山山谷今秦華嵩山皆有之出大松下附根而生無苗葉花實作塊如拳在上底大者至數斤似人形龜形者佳皮黑肉有白赤二種或云是多羊松脂流入土中變成或云假松氣於本根上

生今東人採之法山中古松久為人斬伐者其枯折槎枿枝葉不復上生者謂之茯苓神仙方多單餌之其法取白茯苓五斤去黑皮搗篩以熟絹囊盛於三斗米下蒸之米熟即止曝乾又蒸如此三過乃取牛乳二斗和合著銅器中微火煮如膏收之每食以竹刀割取隨性任飽服之則不飢如飲食先煮葵菜汁飲之任食無礙舊說琥珀是千年茯苓所化一名江珠張茂先云今益州永昌出琥珀而無茯苓又云燒蜂窠所作二說張皆不能辯按南蠻地志云村邑多琥珀云是松脂所化又云楓脂為之彼人亦不復知地中有琥珀則傍無草木入土淺者五尺深者或八九尺大者如斛削去皮初如桃膠久乃堅凝其方人為枕然古今相傳是松類故附於茯苓

神君味甘無毒主驚癩安神定志補乏主心下急痛堅滿人虛而小腸不利加而用之其心名黃松節偏治中偏風口之嚼斜毒風筋癱不語心神驚掣虛而健忘

陶隱居云按藥無馬間或是馬莖聲相近故也今出鬱州彼土人乃假研松作之形多小虛亦不佳自然成者大如三四升器外皮黑細皺內堅白形如鳥獸龜鼈者良通神而致靈和魂而鍊魄明竅而益肌厚腸而開心調榮而理胃上品仙藥也其有銜松根對度者為茯神是其次茯苓後結一塊也仙方云推茯苓而無茯神為療既同用之亦應無嫌

范子云茯苓出嵩高三輔淮南子云下有茯苓上有菟絲注云茯苓千歲松脂也菟絲生其上而無根一名女蘿也典術云茯苓者松脂入地千歲為茯苓望松樹赤者下有之

廣志云茯苓神松汁所作勝茯苓或曰松根茯苓貫著之生朱提漢陽縣

日華子云茯苓補五勞七傷安胎暖腰膝  
開心益智止健忘忌醋及酸物  
雷公云凡採得後去皮心神了擗令細於  
水盆中攪令獨浮者去之是茯苓筋若誤  
服之令人眼中童子白黑睛點小兼盲目  
甚忌之

聖惠方治面肝胞及產婦黑胞如雀卵色  
用白茯苓末蜜和傳之

經驗後方養老延年服茯苓方華山挺子  
茯苓研削如棗許大令四方有角安於新

甕瓶內以好酒浸以三重紙封其頭後一  
百日開其色當如錫糖可日食二塊百日

後肌體潤澤服一年後可夜視物久久食  
之腸化為筋可延年耐老面若童顏

孫真人枕中記服百日百病除二百日夜  
如畫二年後役使鬼神四年後玉女來侍

抱朴子云任子季服茯苓十八年玉女從  
之能隱能彰不食穀多癯滅面生光玉澤

神仙服茯苓法白茯苓去皮酒浸十五日  
漉出為散每服三錢水調下日三

衍義曰茯苓乃樵斫記多年松根之氣所  
生此蓋根之氣味噎鬱未絕故為是物然  
以由土地所宜與不宜其津氣盛者方發  
泄於外結為茯苓故不抱根而成物既離  
其本體則有苓之義茯苓者其根但有津

氣而不甚盛故止能伏結於本根既不離  
其本故曰茯苓此物行水之功多益心脾

不可關也或曰松既樵矣而根尚能生物  
手答曰如馬勃菌五芝木耳石耳之類皆

生於枯木石叢土之上精英未淪安得不  
為物也其上有莖然下有茯苓之說甚為

輕信  
味甘平無毒主安五臟定魂魄殺精魅

邪鬼消瘀血通五淋生水昌  
圖經曰文具茯苓條下

藥性論云琥珀君治百邪產後血瘀痛  
陶隱居云舊說云是松脂淪入地千年所

化今燒之亦作松氣俗有琥珀中有一蜂  
形色如生博物志又云燒蜂窠所作恐非

實此或當蜂為松脂所粘因墜地淪沒爾

亦有黃煨雞子及青魚枕作者並非真性  
以拾芥為驗俗中多帶之辟惡刮屑服療  
瘀血至驗

陳藏器云琥珀止血生肌合金瘡和大黃  
龍甲作散子酒下方寸七下惡血婦人腹

內血盡即止宋高祖時寧州貢琥珀枕碎  
以賜軍士傳金瘡漢書云出蜀寶國初如

桃膠凝乃成焉  
雷公云凡用紅松脂石珀水珀花珀物象

珀璧珀琥珀紅松脂如琥珀只是濁大脆  
文黃水珀多無紅色如淺黃多蠹皮皺石

珀如石重色黃不堪用花珀文似新馬尾  
松心文一路赤一路黃物象珀其內自有

物命動此使有神妙璧珀其珀是衆珀之  
長故號曰璧珀琥珀如血色熟於布上拭

吸得芥子者真也夫入藥中用水調側柏  
子末安於甕鍋子中安琥珀於末中了下

火煑從已至申別有異光別擗如粉重篩  
用

衍義曰琥珀今西戎亦有之其色差淡而

明澈南方者色深而重濁彼土人多瘰為物形若謂千年茯苓所化則其間有沾著罍蠃蜂蟻宛然完具者是極不然也地里誌云林邑多琥珀實松脂所化然耳此說為勝但土地有所宜故有能化有不能化者

通典曰南蠻海南林邑國秦象郡林邑縣多出琥珀松脂淪入地下及傍不生草木深八九尺大如斛削去皮成馬初如桃膠凝成乃堅實光彩甚麗

外臺秘要治魚骨橫喉中琥珀珠一物貫串著繩推令前入至腰所又復推以牽引出矣又方從高墜下若為重物所頓窄得瘀血刮琥珀屑酒服方寸七取蒲黃二三七服日四五度

榆皮



味甘平無毒主大小便不通利水道除邪氣腸胃邪熱氣消腫性滑利又服輕身不飢其實尤良療小兒頭瘡疔疔主兒爛小便不利傷熱一名零榆生潁川山谷二月採皮取白暴乾八月採實並勿令中濕濕則傷人

藥性論云榆白皮滑能主利五淋治不眠療約取白皮陰乾後焙杵為末每日朝夜用水五合末二錢煎如膠服瘥

陶隱居云此即舍榆樹剝取皮剝除上赤皮亦可臨時用之性至滑利初生莢人以

作糜羹令人多睡嵇公所謂榆令人瞑也斷穀乃屑其皮并檀皮服之即令人不飢孟詵云生皮主暴患赤腫以皮三兩搗和三年醋滓封之日六七易以治女人妬乳腫服丹石人採葉生服一兩頓佳子作醬食能助肺殺諸蟲下氣令人能食消心腹間惡氣辛心痛食之良

外臺秘要治渴小便利非淋方榆皮二片去黑皮以水一斗煮取五升一服三合日

三服

千金方五色用俗名油腫若犯多致死不可輕之以榆白皮末和雞子白傳之備急方療身體暴腫滿榆皮搗屑隨多少雜米作粥食小便利

子母秘錄方療妊娠死腹中或母病欲下胎榆白皮黃汁服二升

別說云謹按榆白皮焙乾為末婦人妊娠臨月日三服方寸七令產極易生產下兒身皆塗之信其驗也又濕搗治如糊用粘瓦石極有力京東西北人以石為碓甯每用此以膠之

衍義曰榆皮今初春先生莢者是去上皺澁乾枯者將中間嫩處剝乾確為粉當歛歲農將以代食葉青嫩持收貯亦用以為羹如嘉祐年過豐沛人闕食鄉民多食此

酸棗



1 011 A A 10-4



**酸棗** 味酸平無毒主心腹寒熱和結氣聚四肢酸疼濕痺煩心不得眠臍上下痛血轉久減虛汗煩渴補中益肝氣堅筋骨助陰氣令人肥健久服安五藏輕身延年生河東川澤八月採實陰乾四十日成惡防已

圖經曰酸棗生河東川澤今近京及西北州郡皆有之野生多在坡坂及城壘間似棗木而皮細其木心赤色莖葉俱青花似棗花八月結實紫紅色似棗而圓小味酸當月採實取枝中仁陰乾四十日成爾雅辨棗之種類曰實小而酸曰棗孟子曰養其穢棗趙岐注所謂酸棗是也陶隱居云今出東山間云即是山棗樹子似武昌棗而未極酸東人乃散之以醒

睡 唐本註云此即穢棗實也樹大如大棗實無常形但大棗中味酸者是本經惟用實療不得眠不言用仁今方用其仁補中益氣自補中益肝已下此為酸棗二之功能

又於下品白棘條中復云用其實今醫以棘實為酸棗大誤今註陶云醒睡而經云療不得眠蓋其子肉味酸食之使不思睡核中仁服之療不得眠正如麻黃發汗根節止汗也此乃棘實更非它物若謂是大棗味酸者全非也酸棗小而圓其核中仁微扁大棗仁大而長不類也

日華子云酸棗仁治臍下滿痛雷公云酸棗仁凡使採得後曬乾取葉重拌酸棗仁蒸半日子去皮了任研用聖惠方治膽虛睡卧不安心多驚悸用酸棗仁一兩炒令香熟搗細為散每服二錢竹葉湯調下不計時候○又方治骨蒸勞心煩不得眠卧用酸棗仁一兩水一大盞半研絞取汁下米二合煮粥候熟下地黄汁一合更候煮過不計時候食之外臺秘要療齒齲爛棘鍼二百枚即是棗樹朽落地者以水二升煎取一升含之

瘡 簡要濟東方治膽風毒氣虛實不調昏沉

睡多酸棗仁一兩生用金挺搗茶二兩以生薑汁塗炙令微焦搗羅為末每服二錢水七分煎六分無時溫服

行義曰酸棗微熱經不言用仁仍療不得眠天下皆有之但以土產宜與不宜嵩陽子曰酸棗縣即滑之屬邑其木高數丈味酸醫之所重今市人賣者皆棘子此說未盡殊不知小則為棘大則為酸棗平地則易長居崖壑則難生故棘多生崖壑上久不樵則成棘人方呼為酸棗更不言棘徒以世人之意如此在物則曷若是也其實一本以其不甚為世所須及礙塞行路故成大木者多少為人樵去然此物纔及三尺便開花結子但窠小者氣味薄木大者氣味厚又有此別今陝西臨潼山野所出者亦好亦土地所宜也並可取仁後有白棘條乃是酸棗未長大時枝上刺也及至長成其刺亦少實亦大故棗取大去木刺取小窠也亦不必強分別爾

藥木



**藥**黃蘗也味苦寒無毒主五藏腸胃中結熱黃疸腸痔止洩痢女子漏下赤白陰傷蝕瘡癩驚氣在皮間肌膚熱赤起目熱赤痛口瘡久服通神○根一名檀桓主心腹百病安魂魄不飢渴久服輕身延年通神生漢中山谷及永昌惡乾漆

圖經曰藥木黃蘗也生漢中山谷及永昌今在處有之以蜀中者為佳木高數丈葉類茱萸及椿楸葉經冬不凋皮外白裏深黃色根如松下茯苓作結塊五月六月採皮去皺麤暴乾用其根名檀桓別有一種多刺而小細葉者名刺藥不入藥用又下

品有小蘗條木如石榴皮黃子亦如枸杞兩頭尖人對以黃令醫家亦稀用

藥性論云黃蘗使平主男子陰痿治下血如雞肝片及男子莖上瘡屑未傳之

陶隱居云今出邵陵者輕薄色深為勝出

東山者厚而色淺其根於道家入木芝品

今人不知取服之又有小樹狀如石榴皮黃而苦俗呼為子藥亦主口瘡又小樹多

刺皮亦黃亦主口瘡

日華子云安心除勞治骨蒸洗用明目多

淚口乾心熱殺回虫治蛇心痛疥瘡蜜炙

治鼻洪腸風瀉血後分急熱腫痛身皮力

微次於根

雷公曰凡使用刀削上麤皮子用生蜜水

浸半日漉出日乾用蜜塗文武火炙令蜜

盡為度凡修事五兩用蜜三兩

外臺祕要方口中及舌生癰爛剉黃蘗合

之

千金方能治小兒重舌以黃蘗苦竹漉浸

漉點舌上

肘後方咽狹卒腫食飲不通黃蘗薄傅腫上冷復易之用苦酒和末佳

葛氏方卒喉痺取黃蘗片切合之又黃蘗

斤吹咀酒一斗煮三沸去滓恣飲便愈

經驗方治嘔血黃蘗好者以蜜塗之乾杵

末用麥門冬熟水調下二錢七立瘥

梅師方治癰疽發背或發乳房初起微赤

不急治之即熟人搗黃蘗末和雞子白塗

之

深師方療傷寒熱病口瘡黃蘗皮削去上

麤皮取裏好處薄削以崖蜜漬之一宿唯

欲令濃含其汁良久吐更令若胃中熱有

瘡時飲之五合尤佳聖惠方同

衍義曰藥木今用皮以蜜勻炙與青黛各

一分同為末入生龍腦一字研勻治心脾

熱舌頭生瘡當搽瘡上有涎即吐又張仲

景藥皮湯無不驗傷寒論中已著

楮實



(00)A. 1. 1. 1.



**楮實**味甘寒無毒主陰痿水腫益氣充肌膚明目久服不飢不老輕身生少室山一名穀實所在有之八月九月採實日乾四十日成

○葉味甘無毒主小兒身熱食不生肌可作浴湯又主惡瘡生肉○樹皮主逐水利小便

○莖主癰瘡痒單煮洗浴○皮間白汁療癬

圖經曰楮實生少室山今所在有之此有二種一種皮有斑花文謂之斑穀今人用

為冠者一種皮無花枝葉大相類但取其葉似葡萄葉作瓣而有子者為佳其實初

夏生如彈大青綠色至六七月漸深紅色乃成熟八月九月採水浸去皮穢取中子

日乾仙方單服其實正赤時收取中子陰乾徒末水服二錢七益久乃佳醫方但貴

楮實餘亦稀用但俗或取其木枝中白汁塗癬甚效

藥性論云皮木亦可單用味甘平無毒能治水腫氣滿葉乾炒末漉麪作飢飢食主

**水刺**

陶隱居云此即今穀樹也仙方採擣取汁和丹用亦乾服使人通神見鬼南人呼穀紙亦為楮紙武陵人作穀皮衣又甚堅好爾

日華子云楮實壯筋骨助陽氣補虛勞助腰膝益顏色皮斑者是楮皮白者是穀

又云楮葉涼無毒治刺風身痒此是斑穀樹

雷公云凡使採得後用水浸三日將物攪旋投水浮者去之然後日乾却用酒浸一

伏時了便蒸從巳至亥出焙令乾用聖惠方治癰濕痒用楮葉半斤細切搗封

傳癬上抱朴子云楮實赤者服之老者成少令人

夜應徹視見鬼神道士梁頌年七十乃服之更少壯到百四十歲能夜出行及走馬

修真秘旨曰服楮實者轉為骨軟矣

**水刺**主一切風化涎治肝藏風筋脉抽掣及急風口噤或四肢不收頑痺或毒風周身如

蟲行或被傷風口眼偏斜腰脊強硬任作湯散丸煎雜諸藥用之亦可水煮和諸藥為丸及作湯下藥新定

**琥珀**味甘平無毒古來相傳云松脂千年為茯苓又千年為琥珀又千年為鑿然二物

燒之皆有松氣為用與琥珀同補心安神破血充善狀似玄玉而輕出西戎來而有茯苓

處見無此物今西州南三百望磧中得者大則方尺黑潤而輕燒之腥臭高昌人名為木

堅謂玄玉為石鑿洪州土石間得者燒作松氣破血生肌與琥珀同見風折破不堪為器

量此二種及琥珀或非松脂所為也有此差舛今略論也新見唐本

陳藏器云蘇於琥珀注後出鑿功狀鞍鑿本功外小兒帶之辟惡磨瀉目醫赤瘰等

太平廣記云梁四公子傳曰交河之間平瀆中掘深一丈下有鑿珀黑逾鈍漆或大

如車輪未服之攻婦人小腸癥瘕諸疾

圖經衍義本草卷之二十